



Publicaziuns dalla vischnaunca, jamna 7

Votaziuns federalas

L'urna principala en casa communal ei aviarta sco suonda:

Sonda 27-2-2016 18.30–19.30

Dumengia 28-2-2016 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 26 da fevrer 2016, allas 17.00**, tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (**supplicauda francar**) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 27 da fevrer 2016 allas 12.00 tier l'administraziun communal. Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla.**

Suprastonza communal

Damondas da baghegiar

2015-1022.000

Datum dalla publicaziun: Ils 19 da fevrer 2016

Il patrun: Kurt Ernst e Doris Anna Notz-Kurmann, Sonnenbergstrasse 8 8134 Adliswil

Il representant: Kurt Ernst Notz, Sonnenbergstrasse 8, 8134 Adliswil

Object: Construcziun d'in suttetg cun plaz da seser, parcella 1739, Via Faltscharidas 9, 7180 Disentis/Mustér

2016-1007.000

Datum dalla publicaziun: Ils 19 da fevrer 2016

Il patrun: Pirmin e Helena Lozza-Camathias, Via Sontget 11 7180 Disentis/Mustér

Il representant: Pirmin e Helena Lozza-Camathias, Via Sontget 11 7180 Disentis/Mustér

Object: Construcziun d'ina casetta da curtgin, parcella 1006, Via Sontget 11, 7180 Disentis/Mustér

2016-1008.000

Datum dalla publicaziun: Ils 19 da fevrer 2016

Il patrun: Giusep Condrau-Schuoler, Via Sontget 6, e Valentin Bisquolm-Flepp, Madernal 5 7180 Disentis/Mustér

Il representant: Giusep Condrau-Schuoler, Via Sontget 6, e Valentin Bisquolm-Flepp, Madernal 5, 7180 Disentis/Mustér

Object: Sanaziun dalla senda existenta naven da Runfoppa Su entochen Mun Su, parcella 2550, Val Lumpegna, 7180 Disentis/Mustér

2016-1009.000

Datum dalla publicaziun: Ils 19 da fevrer 2016

Il patrun: Duri e Nelly Huonder-Schweizer, Via Salez 101, 7186 Segnas

Il representant: Duri Huonder-Schweizer, Via Salez 101, 7186 Segnas

Object: Nova tschaffada d'aua e colligiaziun cun la tegia, parcella 2933, Tegia Valentin, 7186 Segnas



2016-1010.000

Datum dalla publicaziun: ils 19 da fevrer 2016

Il patrun: Thomas Monn, Wachterweg 3 8057 Zürich

Il representant: Biro d'architectura Rico de Castelberg, Via Alpsu 2, 7180 Disentis/Mustér

Object: Spazzar casas 93 e 94 ed il clavau 93A, parcelas 787 e 790, Via Veglia 1 e 3,
7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'instanza

da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 17 da fevrer 2016

Uffeci da baghegiar Disentis/Mustér

Lubientscha da baghegiar

L'instanza da baghegiar ha concediu suandontas lubientschas da baghegiar:

Nr. 2015 – 1033.001

Alois ed Angelica Schlosser-Lechmann, Via Pintga 10, 7180 Disentis/Mustér; sanaziun dils balconcuns enviars ost e construcziun d'in suttetg niev per vehichels (carport) project surluvrau, parcella 817, Via Pintga 10, 7180 Disentis/Mustér.

Nr. 2015 – 1044.000

Flavio e Rosangela Giger-Klaiss, Via Vallars 10, 7186 Segnas; casa d'ina habitaziun, engrondaziun el plaun sutterrann (biro e suttetg) casa sin parcella 172, Via Vallars 10, 7186 Segnas.

Nr. 2016 – 1002.000

Caplania S. Antoni, c/o Alexa Schuoler, Via Sogn Antoni 6, 7182 Cavardiras; lavurs da sanaziun vid il tetg e la fatschada dalla baselgia da Sogn Antoni, parcella 2157, Via Sogn Antoni 36, 7182 Cavardiras.

Disentis/Mustér, ils 15 da fevrer 2016

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 26 da fevrer 2016**, allas 20.15 en casa communal.

Tractandas:

1. Elecziun d'inA actuarA dil di
2. Protocol 28-2013/2016
3. Meglieraziun funsila: Project e credit (messadi nr. 38-2013/2016)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca



Controlla da habitonts

Mortoris

Anton Deragisch-Petschen, naschius ils 14 da november 1919, morts ils 10 da fevrer 2016

Giachen Martin Manetsch, naschius ils 17 da schaner 1960, morts ils 12 da fevrer 2016

Uniun da gimnastica da dunnas Mustér

Nossa uniun ha ina nova purschida:

«Line-Dance» 1 x per meins. Per igl onn 2016 fussen quei suandontas datas: Gievgia, ils 25 da fevrer/ils 7 d'avrel/ ils 12 da matg ed ils 9 da zercladur 2016, allas 20.00 el Center da sport e cultura Mustér.

Nus envidein en tuttas interessadas pil sault, mirein en la halla da gimnastica!

El num dalla suprastonza (tel. 079 672 50 46)

Frauenturnverein Disentis

Unser Turnverein hat ein neues Angebot:

«Line-Dance» 1 x im Monat. Nachfolgend die Daten für 2016: Donnerstag, 25. Feb. / 7. April / 12. Mai und 9. Juni 2016 um 20.00 Uhr Center da sport e cultura in Disentis.

Wir laden alle Tanzbegeisterten ein, bei uns hereinzuschauen.

Vorstand: Uniun da gimnastica da dunnas Mustér (Tel. 079 672 50 46)

Secziun da catschadurs Péz Alpetta

Preavis Lotto. Sonda, ils 30-4-2016 meina la Secziun da catschadurs Péz Alpetta atras igl usitau lotto ella Sala Fontauna a Mustér. Nus suplichein autras uniuns da risguardar quei datum.

Bien engraziament.

Inserat! *La suprastonza*

Uniun da dunnas Disentis/Mustér Gruppa da seruschnar/termagliar

La gruppa da seruschnar/termagliar envida tut ils affons entochen treis onns, ensemen cun lur mummas ni era babs e fargliuns, da passentar in bi suentermiezdi da cumpignia.

Als affons vegn purschii in ambient cumadeivel per termagliar ferton che las mummas/ils babs san sediscutar in cun l'auter. Ei vegn purschii caffè, te ed aua.

Datum: **gliendisdis, ils 22 da fevrer 2016**

Temps: 14.30–16.00

Liug: Casa da scola Segnas, local Artgin

Per ulteriur sclariment saveis Vus contactar Clarissa Loretz sut tel. 076 516 14 41

Sentupada

Venderdis, ils 26 da fevrer allas 19.30 mein nus ensemen a magliar fondue el casti dil Disentiserhof.

Annunzias: Entochen ils 23 da fevrer 2016. Per e-mail: uddm@bluewin.ch, tel. 081 936 47 67 ni 076 578 09 04 Katrin Pally.

Nus selegrein dad ina stedia participaziun. *La suprastonza*



Stallkino – Cinema Salaplauna

Film: Chasing Ice (USA 2012)

2. März. 19.30 Uhr Reisebericht und Fotopräsentation aus Südgrönland, 20 Uhr Filmstart
Weltweit schmelzen Gletscher aufgrund der Klimaerwärmung ab. Der Naturfotograf James Balog dokumentiert den Gletscherschwund mit eindrücklichen Zeitrafferaufnahmen, gedreht in Grönland. Schönheit und Schrecken des Naturspektakels sind hautnah erlebbar.
Klosterhof Salaplauna Disentis, jeweils mittwochs.
Kollekte.

Neivatlon

L'uniun da giuventetgna Mustér, fracziun Vitg, organisescha **dumengia, ils 28 da fevrer** per la secunda gada in Neivatlon (Olimpiada d'affons) a Mustér/Caischavedra. L'idea da quell'occurrenza ei d'animar ils affons dad ir pli bia cun skis, insuma da far pli bia sport d'unviern e da haver in bi temps. En differents posts san ils affons promover lur inschign d'ir cun skis, els san seconcurrer, denton era haver legher e star da cumpignia. L'olympiada ei denton buca mo per affons, era carschi e giuvenils san separticipar, sco per exempel ils geniturs dils affons. Differentas disciplinas, denter auter: Slalom, encurir barryvox, siglir liung, cuorsa da scarsola, stanga da sondar, minigolf, ruschnar da pinguin, eav.
Nua: Caischavedra, Palius, Pony
Tgi: affons, geniturs e carschi (affons che van aunc buca a scola mo en accumpigniamet d'in carschiu)
Annunzia ei buca necessaria.

FB: [facebook.com/UgMusterFracziunVitg](https://www.facebook.com/UgMusterFracziunVitg)

Exercezi regional dallas Uniuns samaritanas Tujetsch, Medel e Mustér a Dieni/Tujetsch

Mesjamna, ils 2 da mars 2016

Rimnada: Allas 18.45 avon halla Cons
Equipament: resti cauld, buns calzers ed ina cazzola da sac.
Igl exercezi ha liug da tutt'aura.
Sunter igl exercezi vegn purschiu a tuts participonts ina mudesta tscheina el Hotel Cresta, Dieni.

Sperond sin ina stedia participaziun salida cordialmein
Uniun Samaritana Mustér, menadra tecnic

Schubergiar e rugalar apparats d'udida

Gliendisdis, ils 29 da fevrer 2016 saveis Vus schar schubergiar e rugalar Vies apparat d'udida:
9.15–10.30 en Casa sogn Martin a Trun
11.00–11.40 en Casa sogn Giusep a Cumpadials
13.30–15.15 el Puntreis, Center da sanadad a Mustér
Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.